

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**

**po zahtjevu privrednog subjekta „MOJA BANKA“ d.d. Sarajevo**

**Sarajevo,  
mart, 2016. godine**



Broj: 01-26-7-23-1-I/15  
Sarajevo, 08.03.2016. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, broj 48/05, 76/07 i 80/09), a po Zahtjevu za mišljenje privrednog subjekta, „MOJA BANKA“ d.d. Sarajevo, Trg međunarodnog prijateljstva br. 25, 71 000 Sarajevo, Konkurencijsko vijeće Bosne i Hercegovine na 123. (stotinudvadesetrećoj) sjednici održanoj dana 08.03.2016. godine, donijelo je

### **MIŠLJENJE**

Privredni subjekt „MOJA BANKA“ d.d. Sarajevo, Trg međunarodnog prijateljstva br. 25, 71 000 Sarajevo (u daljem tekstu: MOJA BANKA ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), zaprimljen dana 17.12.2015. godine pod brojem: 01-26-7-23-I/15.

Zahtjevom se traži mišljenje da li postoji obaveza podnošenja prijave koncentracije kod pripajanja privrednog subjekta „MOJA BANKA“ d.d. Sarajevo privrednom subjektu „Investiciono-komercijalna banka“ d.d. Zenica.

Podnosilac Zahtjeva navodi sljedeće:

- da privredni subjekt MOJA BANKA sa sjedištem na adresi ul. Trg međunarodnog prijateljstva br. 25, 71 000 Sarajevo registrovan u registru privrednih društava Općinskog suda u Sarajevu, pod matičnim brojem upisa: 05-02-0011-10, namjerava izvršiti reorganizaciju i to pripajanjem privrednom subjektu Investiciono-komercijalna banka d.d. Zenica (u daljem tekstu: Investiciono-komercijalna banka) sa sjedištem na adresi ul. Trg Bosne i Hercegovine, 72 000 Zenica, registrovan u registru privrednih društava Općinskog suda u Zenici, pod matičnim brojem upisa: 43-02-0014-08,

- da privredni subjekt Investiciono-komercijalna banka ima namjeru pripojiti privredni subjekt MOJA BANKA, te na taj način postati pravni sljednik preuzimanjem prava i obaveze pripojene banke, čime će postati univerzalni sukcesor pripojene banke,

- da je privredni subjekt ASA FINANCE d.d. Sarajevo (u daljem tekstu: ASA), dana 06.03.2015. godine podnio Prijavu koncentracije po pravnom osnovu objave dobrovoljnog javnog tendera za kupovinu dionica privrednog subjekta Investiciono-komercijalna banka radi sticanja 66,7% vlasničkog udjela, te da je Konkurencijsko vijeće donijelo rješenje broj: 01-26-1-09-7-II/15 dana 09.06.2015. godine kojim se ocjenjuje kao dopuštena koncentracija na tržištu univerzalnog bankarstva koja će nastati sticanjem kontrole privrednog subjekta ASA nad privrednim subjektom Investiciono-komercijalna banka,

- da je dana 13.10.2010. godine rješenjem broj: 01-06-26-015-7-II/10, Konkurencijsko vijeće ocijenilo dopuštenom koncentraciju koja će nastati na tržištu univerzalnog bankarstva sticanjem kontrole privrednog subjekta ASA i privrednog subjekta ZIF „prevent INVEST“ d.d. Sarajevo (u daljem tekstu: ZIF) nad privrednim subjektom FIMA BANKA d.d. Sarajevo (rješenjem o registraciji broj: 06-0-Reg-10-003225 od dana 07.12.2010. godine izvršena je promjena naziva FIMA BANKA d.d. Sarajevo u MOJA BANKA d.d. Sarajevo) kupovinom 51,07% vlasničkog udjela,

- da privredni subjekt ASA kao većinski vlasnik privrednog subjekta MOJA BANKA sa ukupno 59,975% vlasničkog udjela pojedinačno ili zajednički sa članom ASA Grupacije privrednim subjektom ZIF, ima ukupno 65,495% vlasničkog udjela u privrednom subjektu MOJA BANKA,

- da privredni subjekt ASA pojedinačno ima u privrednom subjektu Investiciono-komercijalna banka 37,363% vlasničkog učešća ili zajedno sa članicama Grupacije MOJA BANKA d.d. i privrednim subjektom ZIF ukupno 53,639% vlasničkog udjela u privrednom subjektu Investiciono-komercijalna banka.

Konkurencijsko vijeće kao bitne za odgovor na Zahtjev ističe odredbe člana 12. stav (1) i stav (2) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon), koje glase:

„ (1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
  - b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
    - 1) sticanjem kupovinom većine dionica ili učešća osnovnog kapitala; ili
    - 2) sticanjem većine prava glasa; ili
    - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
  - c) zajedničko ulaganje na dugoročnoj osnovi, dva ili više nezavisnih subjekata, koji djeluju kao nezavisan privredni subjekt.
- (2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Ovo Mišljenje, Konkurencijsko vijeće daje isključivo na osnovu podataka navedenih u Zahtjevu i na osnovu istih je ocijenilo da nisu ispunjeni uslovi iz člana 12. stav (1) Zakona, te u tom smislu ne postoji obaveza podnošenja prijave koncentracije.

Ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

**Predsjednica**

**mr. Arijana Regoda- Dražić**